

**Шинжлэх ухааны Академийн эрхзүйн байдлын тухай хуульд
нэмэлт, өөрчлөлт оруулах тухай хуулийн төслийн зардлын тооцооны тайлан**

Шинжлэх ухааны Академийн эрхзүйн байдлын тухай хуульд нэмэлт, өөрчлөлт оруулах тухай хуулийн төслийг хэрэгжүүлэхтэй холбогдуулан гарах зардлыг Засгийн газрын 2016 оны 59 дүгээр тогтоолын 4 дүгээр хавсралтаар батлагдсан Хууль тогтоомжийг хэрэгжүүлэхтэй холбогдон гарах зардлын тооцоо хийх аргачлалын дагуу хийлээ.

Нэг. Хуулийн этгээдийн зардал

Шинжлэх ухааны Академийн эрхзүйн байдлын тухай хуульд нэмэлт, өөрчлөлт оруулах тухай хуулийн төслийг хэрэгжүүлэхтэй холбоотойгоор хуулийн этгээдэд заавал биелүүлэх шинжтэй үүрэг хариуцлага тусгаагүй тул нэмэлт зардал үүсэхгүй.

Хоёр. Төрийн байгууллагын зардал буюу орон нутгийн төсөвт үүсэх зардал

Хуулийн төслийн 4.2 дахь хэсэгт Үндэсний түүх, хэл, соёл угсаатны зүй археологи, палеонтологийн эрдэм шинжилгээний музейг Академийн харьяанд ажиллуулахаар тусгасан. Энэ заалт нь орон нутгийн төсөвт нэмэлт санхүүжилтийн эх үүсвэрийг шаардахгүй бөгөөд Академийн харьяа бусад эрдэм шинжилгээний байгууллагуудын нэгэн адил шинжлэх ухаан, технологийн үйл ажиллагаанд оролцох бүрэн боломжтой.

Хуулийн төслийн 7 дугаар зүйлд Шинжлэх ухааны Академи нь улсын нийгэм эдийн засгийн хөгжлийн томоохон төсөл хөтөлбөрүүдэд хараат бус хянан магадлагаа хийхээр чиг үүргийг өргөжүүлсэн хэдий ч үүнтэй холбогдон нэмэлт санхүүжилтийн асуудал үүсэхгүй.

Шинжлэх ухааны Академийн эрхзүйн байдлын тухай хуульд нэмэлт өөрчлөлт оруулах тухай хуулийн төслийн хувьд төрийн байгууллагатай холбоотой нэмэгдэл зардал гарахгүй гэж үзэж байгаа бөгөөд одоогийн хүний нөөц, төсвийн хүрээнд хэрэгжүүлэх боломжтой.

Гурав. Иргэний зардлыг тооцох

Уг хуулийн төслийг хэрэгжүүлэхэд иргэдэд үүсэх, нэмэгдэх зардал байхгүй.